

**Oqaluuserisassanut nassuiaat.**

(Inatsisartut Siulittaasuut)

Immikkoortoq 20-ip aappassaaneerneqarnissaa ulloq 30. aprilimit ulloq 7. majimut nuunneqarpoq pingajussaaneerneqarnissaalu ulloq 7. majimit ulloq 14. majimut nuunneqarluni.

Immikkoortoq 20: Siunnersuut: Inatsisartut inatsisaasa assigiinningsut allanngortinneqarnerat aamma akileraarutit akitsuutillu kiisalu aningaasanik nuussinikkut isertitat pillugit Inatsisartut inatsisaat nr. xx xx. xxx 2018-imeersoq.

Immikkoortoq 8-p pingajussaaneerneqarnissaa 7. majimut nuunneqarpoq.  
Immikkoortoq 8: 2018-imut ilassutissatut aningaasaliissutinut inatsisissatut siunnersuut

Apeqquteqaat aallaavigalugu oqallisissiat nutaat marluk 220-mik aamma 225-imik normullit oqaluuserisassanut ilanngunneqarput.

Immikkoortut taakku tassaapput:

Immikkoortoq 220: Angajoqqaat illersuisuannik pilersitsisoqarnissaa siunertaralugu, angajoqqaallu atugarisaat pillugit ilisimasanik qitiusumik katersuiffeqalernissamik apeqquteqaat aallaavigalugu oqallinnissamik siunnersuut

Immikkoortoq 225: Qanoq ililluta nunatsinni aalisarnermi aqumiunik inuttanillu teknikimik suliaqartunik atorfinitsitsinermi kalaallinik annertunerusumik atuinissarput pillugu apeqquteqaat allaavigalugu oqallinnissamik siunnersuut.

Immikkoortoq 220 ulloq 21. maj oqaluuserineqassaaq immikkoortorlu 225 ulloq 22. maj oqaluuserineqassalluni.

Immikkoortoq 28-p aappassaaneerneqarnissaa 15. majimut kinguartinneqarpoq.

Immikkoortoq 28: Issittup Imartaata qeqqani malittarisassaqaqqangitsumik aalisarnerup pinngitsoortinnissaa pillugu isumaqatigiisummik Kunneqarfiup Danmarkip atuutsitsilernissaata Namminersorlutik Oqartussanit akuerineqarnissaa pillugu Inatsisartut aalajangiiffigisassaattut siunnersuut.

Immikkoortut ingerlaavartumik kinguartinneqartut oqaluuserineqarsinnaaqqullugit ulloq 2 maj. ataatsimiinneq nal. 20:00 naammassisussatut naatsorsuutigineqarpoq.

Ullumi ataatsimiinnermi taasinerit kingorna immikkoortoq 12 siulliullugu oqaluuserineqartussanngorlugu siuartinneqarpoq.

Immikkoortoq 12: 2020-mi akileraarutitigut ilanngaattissat il.il. imatut angissusilerneqarnissaannik Inatsisartut aalajangiiffigisassaattut siunnersuut:

1. Inummut ilanngaat.....kr. 48.000 (ukiumut)
2. Ilanngaat aalajangersimasoq.....kr. 10.000 (ukiumut)
3. Aningaasarsiat B-t akileraaruteqaataasussaangitsut kr.5.000 (ukiumut)
4. Killilimmik akileraartussaataasunut ilanngaat.....kr. 1.000 (ukiumut)
5. Kommunitut ataatsimut akileraarut.....6%

**Ilaasortat uku akornanni taasisarnerit pillugit isumaqatigiissuteqartoqarpoq:**

Aqqaluaq B. Egede, Inuit Ataqtigiit aamma Jens Danielsen, Siumut

Laura Táunâjik, Siumut aamma Peter Olsen, Inuit Ataqtigiit